

八瓊室金石補正

八瓊室金石補正卷一百六

太倉陸增祥撰

男 繼輝校錄

吳興劉承幹覆校

宋 二十五

喬巖題刻二段在武岡

張綬詩高一尺四寸廣八寸八行
行十四字字徑六分正書

權提點荆湖南路刑獄公事張綬被旨督捕邵永蠻寇

師次小喬虛嘗至巖下愛其幽深而未為好事者所稱

賞迺命名喬鳥猛切巖而作是詩

巖口呀然向日開小橋飛入勢縈回幽深自可逃煩暑

況有寒泉石下來

通判邵州劉蒙鄱陽進士周邁同遊元祐四年三月
十二日

前書一絕末題元祐四年三月十二日權提點荆湖
南路刑獄公事張綬被命征寇偕通判邵州劉蒙鄱
陽進士周邁同遊小巖墟下愛其幽僻乃命名翫巖
紀之以詩文見武岡州許志

湖南通志

攷此翫字已見廣韻上聲三十八梗云天氣清朗烏
猛切江蘇崑山縣地名有翫子元末方國珍趨翫子
橋與張士誠戰卽其地今猶書此字寶慶府鄭志雜

識作喬巖誤

古泉山館
金石文編

右張綬詩瞿氏鄧氏皆未之見也小喬虛許志作
小巖墟誤虛墟本字巖口呀然向日開鄧志作崖
口呀然何日開非

何揚祖詩

高二尺五寸廣一尺七寸許三行行十字
字徑二寸許行書後跋八行行廿二字字徑

正許

石室何昔霹靂開曾聽綉斧凱歌回誰知二百餘年後
復有旌旗笳鼓來

咸淳戊辰夏五邵永武三境之民惑於左道弄兵潢池
六月春陵何揚祖同棘陽芮大椿侯城隍南翔奉郡將

牟侯泊 閩墓命提師招捕殲厥渠魁脅從罔治賣刀
買犢化賊爲民人皆感 侯德九月師次白倉游裔巖
摩挲辭刻有 元祐張綉使留題蓋被 百討邵永蠻
寇慷慨今昔 王事實同因用其韵後之視 咸淳猶
今之視 元祐也九日何揚祖題住山僧如菴□

末書咸淳戊辰夏五月獠叛六月春陵何揚祖偕棘

陽芮大

元誤作次

椿侯城隴南翔奉郡將牟侯招捕九月

師次白倉游裔巖次前韻作詩詩見武岡州許志

湖南

通志

在武岡裔巖張綉詩刻後道州何揚祖撰咸淳四年

刻石詩云云末題云云

寶慶府
鄧志

右何揚祖詩筆意酷肖山谷通志寶志均未見拓
本故所載末題云云得其大略而已案咸淳民叛
及元祐蠻寇史志均無所徵其云郡將者寶志兵
書云元豐四年團結東南路諸軍如西北法共爲
十三將全邵永州禁兵以應援廣西爲東南第九
將置將副各一人又視兵多寡置部將隊將押隊
使臣別立訓練官是邵之有將始於元豐也何揚
祖等三人或武岡軍之官或卽郡將所屬之官均
未可知何揚祖道州人咸淳元年阮登炳榜進士

通志寶志均載之而不言其後官階寶志卽據此
刻列何揚祖芮大椿龐南翔於巡歷各官表云不
知何職蓋無可攷矣白倉在武岡州東元至正間
所置屯田者卽其地

五峯巖題刻十一段

在東安

張綬題名

高一尺廣一尺二寸六行
行七字字徑一寸許正書

德興張綬被

旨督捕邵永蠻寇還次東安登五峯巖周遶同遊攜侍

行元祐四年己巳四月十八日題

右小正書六行在東安縣五峯巖五峯石刻舊志渾

列之古蹟不著其何碑今始搜求得之不過數石其書時代者以此為最先焉

金石審

張綬名屢見於諸崑石刻邵永蠻寇於史無聞志亦不詳其事

黃器之等題名

高一尺七分廣一尺一寸八分五行行五字字徑一寸五分正書

莆陽黃器之題昌夔聖俞元祐辛未重陽日嘗同遊

思純侍行

此字較小

右正書五行在東安縣五峯崑

金石審

黃器之名概見乾道九年淡崑題名

方蒙題名

高一尺廣八寸五行行七字末行八字字徑八分正書

桐廬方蒙被

旨之廣西過此縣令徐彪仁新靈川令劉覺同至元祐
癸酉孟夏廿六日題

右正書五行題刻皆劣宋史處仁本傳爲東安縣令
蠻人叛入峒開示恩信蠻感泣誓不復反宋史溪峒
諸蠻傳第於南宋時全州上言東安可直入溪峒而
慶厯以後叛服皆略本紀亦不書據此刻所命使枉
道之東安又檄廣西縣令同至必有公政當卽會撫
蠻人時也

金石
審

永志職官列徐處仁於元符年据此知元祐末已

令東安矣明年紹聖改元澹崑亦有其題名永志

殊誤

張茂先詩

高一尺四寸廣二尺十一行行八九字不等字徑寸許正書

五峯巖實倚層巒
暇登臨到此山
泉石靜中無俗客
寺在絕頂樓臺深
霞鎖禪關憑高林
野依稀盡望閣雲
有泉不涸
天線繞還回首夕陽歸去路紅塵隨馬轉溪灣

紹聖丙子秋季按東安遊五峯巖寺郡倅張茂先世

京題男提侍行

宋張茂五峯巖詩永州郡倅詩見東安縣吳志

湖南通志

行書十一行巖寺即東安高山寺也

金石審

通志張茂先脫先字山川內附載此詩偷暇作乘

興還作環歸去作歸處

衡陽楊某等題名

高廣各七寸五行行五字字徑八分正書

衡陽楊

□

□

洲

□

漢臣

鄱陽

□

□

元

付

元

年

季

冬

望日同遊

郡幙蔣某等題名

高一尺二寸廣一尺六行行字不一字徑九分正書

郡幙蔣

□

□

東

安

侍

其

□

□

丹

□

□

□

□

來

□□□□漢臣遊元符年十月十七日書

此二刻前人未見剝蝕殆甚就可辨者錄之

鞏鑒等題名

高一尺四寸五分廣一尺四寸七行行八字字徑寸餘正書

郡倅鞏鑒辨叔巡警高揔持正縣令周授傳師縣尉李
執中公權同遊五峯巖登觀音閣時天澤應祈田苗茂
盛可喜可慶大觀己丑孟夏九月題

右行楷書七行字多蝕剝前人未見金石審

永志職官列周授李執中於元豐得此足證其誤

任傳道等題名高一尺三寸廣七寸四行行七字字徑一寸正書左行

任傳道弟傳師拉唐□□同遊覺師繼至周元黼元黻

侍行紹興己巳春

此刻前人未見繼字半蝕

蔣行忠題名高九寸五分廣八寸二分六行行七字字徑九分正書

紹□初中兩侍嚴君假□東安仲春□□□□□同嘗

□□□□□紹□已卯□月晦日甯鄉蔣行忠仲思題

正書六行剝蝕難辨金石審

初中之中永志誤作忠已卯上一字永志作定次
於嘉定十二年今諦審之殊不可辨略存一二筆
蹤與首行第二字無異其再上一字乃是紹字然
則此已卯爲紹興廿九年紹聖紹熙紹定皆不直
已卯也月上永志作菊亦不可辨假字永志未審
出

魏繼先題名高一尺八寸五分廣一尺五寸五分
十二行行十三字字徑一寸許正書

懷玉舒密智叔自永明來省其親靖菴于東安縣三
厯陽魏繼先進叔以家君之命載酒拉渠父子與柴
珙伯恭同遊資福寺就觀華嚴閣新創規模徐益五峯
閣循崖而下剝苔剔蘚摩挲石壁得見元祐大觀間舊
令徐太宰十數公留題屈指歲月感愴久之使人忘去
因援筆以識庶後之視今亦猶今之視昔也昔嘉定庚
辰臘月十有一日弟繼得正對子明祖榮祖侍行靖菴
名木字東卿云

右刻十二行似真似隸唐初人有此種體省志官表
甯宗時有東安令魏雲繼先蓋雲子也

金石

文云元祐大觀間舊令徐太宰十數公留題今所
存者無幾矣徐太宰當卽處仁也永志永明作永
州誤益作登筆作筆亦與石本不同資福寺華嚴
閣五峯閣志亦不載

許永玠等題名

高廣各二尺七行行五
字字長徑三寸篆書

貴溪許永玠韓城宋景杅洛陽陳正□延津李昇□嵩
陽蔡昌□癸亥冬孟□日小集于此

右篆書七行年代人名無可攷職官表紹興間有許

尹疑卽其人姑附於此

金石
審

玠永志誤作玖次紹興十三年未知所據今附景

定四年宋代最後之癸亥

宋五峯巖詩刻在縣西高山左多宋時詩刻

湖南通志

右五峯崑石刻十一段在東安案一統志云高山在東安西北一里五峯突出有宋刻尙存湖南通志云五峯崑在縣西北高山之左巖石布列如河圖卽此題刻之處也崑壁矗立數仞別無洞穴諸題名皆摩崖爲之間爲風雨剝蝕可拓者惟此十一段耳是崑石刻宗滌樓輯永志時始搜得之今於宗氏所載外復得三段幸哉宗氏復載賈構所題吳山二篆字云南宋必無以構命名者其爲哲

徽時人可知案賈構洛川人 國朝乾隆間邑令
宗氏采錄其記於名勝志矣何又以為宋人邪宋
太宗名炁宋人不應以此名山宗氏殆未之思耳
附識之

渾公祠石刻二段 在乾州

刊李義山詩跋 高二尺廣二尺三寸五行行十字字
徑一寸四分跋十二行行十五字字

徑六分
均正書

李義山題

咸甯郡王渾公祠堂

九廟無塵八馬迴奉天城壘長春苔咸陽原上英雄骨

平向君家養馬來

唐朱泚之難德宗蒼皇西幸奉天賊兵晝夜攻圍而
侍中渾瑊百計禦敵帝與之日夜對泣流離艱苦之
狀可知也竟挫賊鋒終賊之遁保完鑾輿天子得以
幸山南賊平還都唐室再造繫公之力公精誠貫日
臨危蹈難死生一節可謂不愧前代忠臣義士矣以
公有大恩於斯民宜乎百世血食然而廟貌闕如嘗
與邑宰錢君語及而嘆息君因園亭葺爲祠堂旣圖
公之像并刊李商隱詩以附焉元祐四年重陽日武
功游師雄景升記

宣德郎知奉天縣錢景逢立石

仇伯玉等題名

在前刻之左高廣不計一行廿四字字徑四分正書

明年仲夏望日馮翊仇伯玉建安黃寔南園張舜民謁

拜祠下

蘇軾懷弟子由詩

高一尺九寸四分廣二尺四寸十行行字不一字徑一寸五六分行書上石人名二行小字正書在扶風

王夤重九以不與府會故獨遊至此有懷舍弟子

由

花開酒美曷不醉來看南山冷翠微憶弟淚如雲不散

望鄉心與鴈南飛明年縱健人應老昨日追歡意已違

不向秋光強吹帽秦人不笑楚人譏

趙郡蘇軾子瞻

元祐庚午秋天王院僧

缺

鳳翔府天興縣尉林

缺

陽華巖題刻二十七段

華在江

練潛夫詩

高二尺四寸五分廣二尺八寸十
八行行十六字字徑寸許正書

賦得同

江華令貫之黃兄遊陽華岩一篇

建安練□□潛夫

萬里蒼山麓陽華古洞天晨光迎海日晝暝入溪煙
窈窕蛟龍蟄峯巉鬼魅鑄初筵堂半闌末勢雷孤穿玉乳

垂虛寶金沙引漫泉欄危浮絕壁度迥跨遙川隱約燒

丹竈橫斜種玉田劇桐魚燭燭搥石鼓黼黼

祠中有石鼓貫之製

桐魚搥之響震岩谷

翠羽岩蕉靜元幢石桂圓捫穹騰黝糾襯步

草茵綿暫止蕪門嘯來因

下空

葉縣仙籃輦收弱屐桂楫盪輕舠勝賞

平

生興尋幽最

可恰奇遊陵宇宙班坐馥

蘭

荃谷鳥酤新釀松風韻古

絃祇應銷永晝何用壺塵編蔣賦初無得元銘久更妍

口口防有詩元結有銘

留連資曠士吟詠屬高賢塵土閑中厭山

林老更便臨分涼月白回首正依然

右練潛夫詩潛夫其字而名已剝泐矣永明層岩

有其詩刻瞿氏跋引輿地紀勝載練潛夫熙甯間作笑峴亭記是神宗哲宗時人也江華令黃貫之亦是字而非名神哲時邑令姓黃者三一爲黃潛元豐三年到官一爲黃安中元祐元年到官一爲黃炎元祐八年到官炎字晦之不字貫之貫之疑安中之字字與名義相協安中於元祐五年去任姑列於元祐五年以缺再攷詩云蔣賦初無得注云□□防有詩防上是蔣字蔣防有合江亭詩是唐大和年間人其陽華岩詩從未有人言及者據此知湮沒之多審視拓本行間隱隱有字蹟是磨

金石錄卷一百一十一
二 希古樓刊
古刻而爲之者藤卽藤鑾卽鑾字之俗

唐叟等題名

高二尺八寸廣三尺三寸五分八
行行七字字徑二寸六分正書

零陵唐叟良耜錦田唐開必先弟喆保之姪紹先慶長
鄧赫民瞻永明義將爲當時邑西李珣德均來游拂塵
閱古緬懷漫叟宣和庚子後元銘五日

右唐叟等題名庚午夏譚仲維拓寄案唐開江華
人建炎二年進士通判廉州嘗詣京訟其叔父貢
冤幾蹈不測邑人義之唐紹先開禧元年特科官
洛溶令李珣亦江華人紹興二年進士清遠縣主
簿此題名時均尙未第其稱錦田者所居之里也

至今猶存其名餘人竢考庚子爲宣和二年後元
銘五日者五月十六日也次山銘刻於永泰二年
五月十一日

王肇題名

高二尺二寸廣一尺八寸五行
行六字字徑二寸八分正書

河南王肇因按部至江華挈家遊陽華巖時建炎巳酉
季冬壬寅日

右王肇題名王肇自言按部是官湖南提刑者而
志不見其名巳酉爲建炎三年四年正月甲辰朔
則壬寅非十二月廿八卽廿九也

蘭仲恭等題名

高一尺五寸五分廣二尺一寸五分
五行行四字字徑三寸又小字一

行五字字徑寸
許正書左行

蘭仲恭張叔曼弟元播建炎庚戌正月廿八日同遊

華嚴寶老預

右蘭仲恭等題名諸人無攷庚戌是建炎四年

杜季楊題名

高一尺五寸四分廣一尺一寸三行行七字字徑二寸分書左右各一行行九

字十六字字徑寸許正書左行

會稽杜季楊紹興己未九月庚子行縣暇日率令丞巡

尉來遊

通判學士留題陽華巖

此行在左

右文林郎道州江華縣令李直清命工刻

此行在右

右杜季楊題名杜季楊判道州志所不載志載李

直清以紹興九年令江華與此正合

游何詩

高二尺廣一尺九寸三分十四行行十七字
字徑一寸許行書橫額題運屬游公題陽華崑

詩九字字徑一寸四分上
石一行字徑五分俱正書

面風卷凝雲欲壓不墮地化作碧孱顏融結在空際是

名陽華崑造物一何異東山雨脚斷明月招我至傍窺

嵌竇深密恐鬼神閤細度沆寥風奮無卑溼氣虛閣架

其中榜以浮嵐羨下有潺湲谿飈雪轟雷比閣背兩槁

兮崑脇雙龍起石如纓絡垂整々翠綏委又如鼙鼓形

擗擊嚴頗厲溪水相與喧鏗軋亂宮衛崑窮天忽開木

杪風自靡坐久髮毛寒興逸詩語綺無人共一尊有客
自千里山僧頗殷勤相伴亦忘寐拂石要題詩揮毫留
漢隸

紹興乙丑秋仲冒雨獨游陽華巖勝絕未議淡山崑
恨古今詩人未有奇句滴上游何臨清流以賦之且
棕鞵桐帽悵不一陪 浮溪先生金華居士以徜徉
丙寅紹興十六年十月十五日住山僧□□立
石

右游何詩橫額題云運屬游公當是轉運判官而
通志職官失載澹岩浯溪均有其題名浯溪題名

舊作潯州游何瞿氏謂是潯州之譌余以拓本審
之定爲潯川今得此刻稱潯上知曩所校勘爲不
謬矣浮溪先生謂汪藻金華居士謂何麒也麒自
稱云金華隱居碑書徵字缺末筆避仁宗嫌名故
稱唐魏徵作魏證書納徵作納成亦作納幣宮徵
之徵又或作祉也江華新志山川內相伴作求伴
誤

何麒詩

高二尺七寸廣一尺八寸十二行行十五字
字徑一寸許正書額題陽華嚴詩四字橫列字

長徑四寸篆書

名山固多崑茲崑擅天下屋大享千人谷深量萬馬谿

群通一水旁午飛橋跨石磔巧彫鏤松篁森繪畫古人
棲遁處文字猶憑藉語妙元次山名高陶別駕瞿君三
體篆殆可斯翁亞卻後累百年吾人來歎吒伊予邱壑
姿嗜好若天假終焉卜真隱學道異陶冶丹成生羽翼
召節青童把揮手挹霞芒竦身朝

帝者

採日華法
存霞九芒

金華隱居何麒以紹興戊辰十二月三日同襄邑

許顥廣川劉思永盱江劉穀淮海張擴來遊堦汪

憺

下失
拓

右何麒詩前人未見詩後題語與獅子昂同攷見

獅子昂詩跋江華新志山川內載此斯翁誤作欵

翁并缺法存二小字汪憺下作子洪偕從四字

劉慎修等題名

高一尺六寸五分廣一尺五寸三分五行行五字六字字徑二寸餘正書

行左

劉慎修羅國華劉彥珏陳澤民己巳五月二十二日全

來爲盡日之歡

右劉慎修等題名羅國華見後蔡周輔題名內則

此己巳是紹興十九年也

蔡周輔等名

高三尺六寸廣三尺二寸十三行行七字字徑二寸正書

縣尹蔡周輔下車伊始遵令勸農於奉國寺親勉鄉

老服田力穡爲務勞之舉皆感悅晚過陽華俯空洞跨
浮梁聽鳴玉薦芳醕旣醉而歸同僚李仲保唐元經邑
士何時澤蔣澤萬李穎士鄧致道寓客羅國華紹興庚
午春七十有一日

右蔡周輔等題名蔡周輔及其同僚李仲保唐元
經省府志職官俱失載通志載高宗朝江華令有
蔡藹永志云紹興二十年任此題名正是紹興二
十年疑蔡藹卽蔡周輔之誤抑周輔爲藹之字邪
書法魯公而結體殊散江華新志皆感悅上多一
民字

向源老等題名

高一尺九寸廣二尺八寸八行
行七字字徑二寸五分許正書

邑令向源老因暇日拉玉牒文老丞孫議臣巡檢朱晦
叔尉李超然知寨呂子明同遊紹興壬申七月廿二日
姪甯遠宰士鵬姪孫公密公密侍行

右向源老等題名甯遠令向士鵬不見於官志通

志高宗朝有向鼎爲江華令永志作滌云紹興二

十二年任此題名正值其時疑源老卽其字也

程述詩并跋

高一尺五分廣四尺九寸四周有界線
前廿六行行十字字徑寸許分書後跋

十七行行八字
字徑七分正書

平生喜偉觀泉石成膏肓流落天南陬頗覺宿念償陽

華甲千巖豈特魁一方橫開造化與不假
蒸燭光洞淵泛激流闊步維飛梁草木被
餘潤神龍或陰藏千歲石乳垂形似分微
芒客來試擊拊殼如浮磬長緬懷永泰間
四海何披攘元子把麾符擇勝曾彷徨聲
辭發健筆漫浪忘故鄉別駕何如人欲挽
居其旁不知果從違高詠猶鏗鏘我今見
中興隨牒瀟水陽官曹旣清簡年穀頻豐
穰不憂西原蠻免奏租庸章公餘且遲留
解衣據胡床憶昔黃太史淡巖藉掄揚地
有遇不遇實在名何傷賴得金華仙英辭
灑琳琅

紹興乙亥歲十月二十七日郡丞蓬澤程迵以職事

至江華因游陽華巖盤礴賦詩而歸縣令南陽安珪

尉伊川程蓋

同來

以上分書

府判朝議程公按行下邑公務之暇率令尉同

遊陽華周覽水石之樂遲遲終日眷戀忘歸

公乃賦詩而還其英辭妙句鏗然有擲地之聲

覺前後名公大儒留題篇章皆不足以望其藩

籬也於是命工鐫刻於石俾永其傳使斯巖之

名自此增重方來之士有瞻其玉畫誦其嘉什

者亦可以知其人也江華縣令安珪謹跋并立

石

右程迤詩隸法健銳頗有漢人風格程迤亦見淡
山獅子巖題名其爲府判省府志職官俱失載安
珪程蓋均見獅子巖程迤題名內安珪爲江華令
官志有之而不詳其爲南陽人程蓋爲江華尉通
志亦未載永志據獅子岩題名補之亦不言其爲
伊川人皆可据以補之乙亥爲紹興廿五年又永
志名勝載此詩激流作微流乳垂作垂乳微芒作
毫茫懷作想披攘作擾攘把作抱彷彿作徜徉忘
作志類作頗憂作見灑作流皆當以石刻爲正通
志山川門所載欲挽作欲往餘與永志同江華新

志載此作朝議下誤多郎字同遊上脫率令尉三字

安珪圖序

高二尺九寸廣四尺五寸四周有界綫上截圖上列橫額題道州江華縣陽華巖圖

九字字徑二寸四分五字字徑五分正書

仙田 浮嵐閣 崑門 思來亭 陽華寺 朝徹亭

以上圖內
題字六榜

予自遊宦以來所過徧歷惟舂陵古多奇跡江山秀麗
渾然天成如九疑萬峰乃積代聖境然皆氣象荒遠率
無清秀絕特之稱若江華之東南有陽華之巖可謂甲
衆觀也乃唐元刺史名之嘗於此招陶別駕爲次山自

爲之銘瞿令問爲之書壯其文辭嘉其字畫亦足以冠絕後世加之宗工鉅儒繼以詩章由是聲價益高遍在湘楚不其躋欺上有迴山而面南下有巖而當陽巖高且明洞深氣爽其中石巉然可怪多不能入畫泉流之清瑩然秀澈玉漱泠泠之聲與地簫唱和不待笙磬而五音迭作前有浮嵐閣後有朝微亭次有仙田高下數頃長虹架水縈繞如帶由外而入宛若壺中飄飄然忘軒冕之累浩浩然有遠擢之志信乎人間別有天也後之人有爲山水題評者當不落天下之第二也予頃丞邑飽諳佳致每哦松之暇輒來往其間似得所樂及

瓜而去迄今十餘季朝夕恍然若有所失今豈意復來
作邑造物者有以從人欲也予嘗公餘之暇訪於邑之
耆髦乃得思來亭之故基于巖門之外云已久曠矣嗚
呼廢興成敗不可得而知也彼興而成之者若何人廢
而敗之者又若何人耶於是慨然悼之乃創工建亭以
成前賢之志推廢興成敗之理於無窮者斯亭異日又
未可知也故併以列之昔唐四明道士葉沉囊蓄古畫
桃源圖而舒元輿尙爲之錄記矧斯巖復出東南之美
其可不繪而圖之以傳諸好事者哉乃命丹青之士摹
寫形容勒之堅珉以示無極雖未能盡臻妙亦可以見

髣髴也庶往來之人不特觀覽且携其本於外使傳者
不虛矣碑成須得數語以續之言不成文聊以紀其萬
一俞紹興丙子三月中澣日右從政郎江華縣令主管
學事勸農營田公事安珪序并立石

豫章羅煜書

右安珪圖序據文安珪嘗爲江華丞省府志職官
均失載浮嵐閣朝徹亭永志宮室亦失載思來亭
僅列其名亦不詳其建置序云故基云久曠云興
而成之者若何人廢而敗之者若何人蓋由來已
久當時已莫攷其初始矣次山陽華岩銘云將去

思來亭之命名蓋取諸此浮嵐閣圖內題云浮嵐
開据圖開卽在閣之下也碑書境字缺末筆避太
祖祖諱嫌名凡竟境鏡等字均所兼避故石鏡縣
改爲石照崇文總目載韻海鏡源改作鑑丙子爲
紹興廿六年 近見江華新志於無窮之於誤作
欲併以列之之併誤作並

釋盩重遊題名

高二尺二寸五分廣九寸五分二行
行存九字字徑三寸五分正書左行

樊修住持章貢釋盩建

紹□□□□月廿日重

右釋盩題名在呂敦仁題記之右下截已闕以意

度之建炎年曾遊於此紹興年重來因題數字與
字尙可約略得之附紹興末鐫字不見於字書或
卽銜字之變體

胡邦實題名

高二尺二寸廣一尺六寸六
行行十字字徑寸許正書

戊子孟冬十有二日郡丞胡邦實以職事來江華公餘
遊寒亭暖谷獅子巖乘興至陽華爲終日之款同至者
周公美顏子進王德任郭元德邑令陳世榮書

右胡邦實題名首題戊子而不詳紀元以寒亭一
刻證之知戊子爲乾道四年邦實爲華公之字周
公美諸人名俱見彼刻陳邦慶以乾道四年令江

華與志正合

江朝議并陳邦慶詩

高二尺二寸五分廣一尺一寸六分橫額題府判江公畱題六

字字長徑一寸六分篆書三截上截九行行十字中截前後各七行下截十四行字數大小行正均

一不

呂蚤離永明晚抵江華道中成兩絕句

飛沙幕く路曼く萬籟風聲重曉寒步澗躋危任勞役

服勤

下空

王事敢辭難

捨車跨馬喜新晴倍見旌旗照眼明願我未能流美化

邦人何事喜相迎

以上弟一截

呂遊陽華口占五言八句呈

諸僚友

十里雲深颺陽華小洞天千巖虛夜月萬壑溜寒泉石
磬生何世仙田種幾年神靈自幽顯時序任流遷
乾道庚寅冬十月

府判朝議江公行縣公餘遊陽華留詩併以道中二
絕示僚屬句新語妙泉石有光謹摹刻以永其傳左
從政郎道州江華縣令主管學事勸農營田公事陳
邦慶跋

右迪功郎江華縣丞主管學事林豐篆

以上弟
二載

謹次

府判朝議江公之韻

邑令陳邦慶

未分中原長夜曼果聞胡虜膽先寒乾坤正賴

英豪整肯賦詩人行路難

別駕來臨值晚晴

眼中黑白甚分明

飛黃此去騰夷路

應念區區負弩迎

右道中

斷崖藏勝境別是一壺天怪石垂雲乳飛虹跨玉泉丹
青難下筆造化不知年文字工題品漫郎優史遷

右遊陽華

以上弟
三截

右江朝議詩并陳邦慶和作題首所闕二字是江
公之名而不能辨識省郡縣官表府判無江姓其
人莫可引證邑丞林豐亦不見官表省郡志載此
刻作江朝儀誤議爲儀因以官階爲人名山川名
勝內所載亦同並僅錄陽華一詩陳邦慶詩亦未
載劉令旣見此刻而江華新志亦未更正補入疏
矣此刻第一截第四字起至第二截第八字止是

磨去古刻者第二截第九字起至第三截第九字止亦磨去古刻者却非一人所爲均有界紋可辨惜哉庚寅爲乾道六年官表陳邦慶四年任李元方七年任與此正合

呂敦仁題記

高一尺七寸廣一尺四寸四分八行行字不等字徑寸許另二行較小字徑六

分正書

呂敦仁來遊于此真仙神之洞府也第誠心生敬焉心意頓爽塵慮遽忘清乎哉烏得靜居久處而遠世俗之萬累戀々不已作禮而退昔乾道七禩秋七月上旬前一日謹書

心敬肅然啓首大仙

賜我修真永脫世緣

節判呂公題于巖石右從政郎江華縣令李 秀

謹刊

右呂敦仁題記敬字避諱缺末華敦仁爲節判官
志失載李元方以乾道七年任江華令與志脗合
上旬前一日當是九日也罕見於他刻

李長庚詩

高三尺二寸廣一尺五寸二分上列橫額
題府判李公詩五字字徑一寸五分下列

三截上中截十六行下截十五
行行字不一字徑六分俱正書

乙丑仲冬自甯遠來遊陽華

泝崖渡水六七里，劃見幽巖盡屏倚。
却躡長虹信步行，下瞰淺清皆脚底。
漫郎泉石之董狐，妙語品題良不誣。
千巖萬壑果何似，吾家九疑真不如。

丁卯清明約鄧致道遊陽華

我來挈々倦塵沙，下馬無心更憶家。
不怨客中逢熟食，只知醉裏是生涯。
花邊頓覺春光老，柳外還驚日脚斜。
甚欲與君尋勝去，何妨着脚到陽華。

與致道約遊陽華尋以雨阻追和山谷集中岑公

洞二絕句韻

垂々雨脚幾時晴，便擬扁舟乘興行。
想得斜川今更好，

金石錄卷一百一
三希古樓刊
勝遊恨不繼淵明

陽華妙處吾能說
泉響風搖環珮聲
定是山靈嫌俗駕
電光掣過雨如傾

以上弟一截

己巳七月遊陽華

遙指斷崖如削瓜
碧雲一朵是陽華
莫言空洞中無物
須信嶄巖下可家
已聽泉聲響環珮
更看山色媚煙霞
一邱一壑平生事
不覺歸鞍帶暝鴉

長庚紹興十九年七月十九日嘗遊陽華後十有
二年復以是月是日後鄉曲諸公再到崑下感今
追昔因成十韻

陽華近七里不到餘十年乃知聲名賴能障山水緣今日與鄰曲勝遊追斜川瘦藤穿犖确一葉弄潺湲崑崙隱翠竹梵宇淨青蓮一笑躡飛虹毛骨清欲仙婆娑寶瓊瑤放浪玉壺天曲肱卧盤石滌耳聽汜泉片雲飛雨來更覺秋凜然酒盡興歸去千林昏暝煙

以上弟二截

次韻江府判遊陽華江丈口春間携家再來

塵外非無境壺中自有天從來招別駕於此歇寒泉

見元

次山招陶別駕詩

銘已得元結記須煩子年重遊知更好出谷

赴鶯遷

陳士瀄主簿舉似與嚴慶曾主簿鄧伯允仙尉同

到陽華佳句且有巖下弄琴舟中吹笛之樂長庚

雖不奉勝遊輒繕高韻

說着幽巖意已清那堪地近一牛鳴塵榮俗累不容到

若見山靈煩寄聲

陽華山水自雙清況弄朱絃金石鳴宗少文有我是行

人那敢聽恐翻別調作離聲時將赴上都

雲水光中語更清從他山寺晚鍾鳴滿舡載月歸來好

一笛穿雲裂石聲以上弟三截

右李長庚詩在何麒詩刻之左前六首皆紹興間

所作次江府判韻一首當與江詩同時時在乾道

六年後三絕自註云時將赴上都案長庚於乾道
間遷知賀州軍事和詩卽在其時也附乾道末又
有紹熙年諸作別刻一石另錄於後長庚爲府判
志所失載簿尉諸人名亦不見於志通志山川府
志名勝縣志方域均附錄長庚諸詩而和山谷韻
二絕再到崑下一首未經採入次江府判韻一首
府縣志均脫後半非無二字誤倒通志亦未錄縣
志并未錄丁卯清明一首所錄諸詩亦多譌字幽
巖作幽居長虹作長江淺清作清流真不如作誠
不如熟食作熱冷花邊作花間日脚作月卻尋勝

作尋照斷崖作澹山空洞作古洞伯允作伯元嚴

慶曾作儼慶二字塵縈作座縈若見作君見晚鐘

作曉鐘歸來歸作空茲悉据石本錄之又案詩有

云從來招別駕於此漱寒泉自註云見元次山招

陶別駕詩而通志以招陶別駕詩爲長庚作誤案

孟坦中詩

高二尺三寸八分廣二尺一寸八分
行十字字徑八分後二行較小行書

路入瀟南地一隅天開洞府若爲模石扁高透雲常出

澗水中通崖不枯

來訪恍然驚澤國醉眠清甚在

冰壺淡巖誰道真稀有須信陽華天下無

蓬山孟坦中履道父以道熙乙未春來遊謹題

右孟坦中詩在唐畧題名之左乙未淳熙二年

趙師俠詩

高一尺四寸廣一尺八寸二分十行行十字惟第三行十一字字徑一寸二三分正

書

郡丞趙師俠介之同邑令戴翊世漢宗簿舒俊卿國
英游陽華留二絕句于巖中淳熙戊申歲六月十三
日

出郭曾無十里賒僊嵒迎日號陽華雲藏奧突嵐光潤
信美元郎詠可家

石罅空明石色鮮霞舒乳滴巧雕鐫縈迴棧道泉湍響
疑是僊家小有天

右趙師俠詩江華新志突作突案通志載其層巖詩刻跋云趙師俠見拙賦碑跋宋史宗室世系表師俠係燕王德昭之後今層巖詩未見拓本郡丞趙師俠江華簿舒俊卿省郡志職官均失載戴翊世令江華永志云淳熙十五年任與此正合

戴翊世跋

高一尺二寸廣五寸五行
行十七字字徑六分正書

九疑萬峯不如陽華一境此道之

里

諺也

□□趙公

按部之餘游覽斯崑

□□□□□

勝槩併以墨妙紀

之蓋自元次山以來不可多見□□繼元公題後用諗不朽云從政郎道州江華縣令主管勸農公事戴翊謹

書

右戴翊世跋在孟坦中詩刻之下不見年月翊世
安福人淳熙元年解試二年詹曠榜進士以其令
江華時攷之所稱趙公者卽前題詩之趙師俠也

李長庚後詩

高二尺三寸廣二尺一寸上列橫額題
宮使李大夫詩六字字徑寸餘詩二截

上截十九行下截十二行行字不一
字徑六分刻石一行字較大均正書

紹熙癸丑二月二十六日蔣助教言正招遊陽華婆
娑巖下薄暮乃歸得詩五絕以紀其事冰壺老人李
長庚子西

春風今日扇微和觸目江山發興多如畫幽巖無十里

輕衫短帽得婆娑

偶尋三逕到陽華
碧玉玲瓏真可家
追想舊游如夢寐
摩挲石刻但咨嗟

巖下留連且盡歡
不知紅日半銜山
歸時林壑風煙暝
賴有昏鴉相伴還

我老思爲漫浪翁
暫來却恨去匆匆
山頭日色赤如血
是晚所見如此照映川原草木紅

我識陽華六十年
當時面目故依然
清泉白石都無恙

華髮蒼顏只自憐

長庚紹興甲寅從穎士九叔初游陽華

以上上截

紹熙甲寅五月十七日從令尹張濟之早飯獅子巖

晚飲陽華巖夜闌乘月泛舟而歸

朝游獅子晚陽華翫水看山樂可涯
野鶴沙鷗慣看客一雙對立渡頭沙

到此令人憶漫郎筆端妙語發天藏
泉聲漱玉生秋思不減湖中五月涼

雨餘山色媚晴暉無事孤雲自在飛
坐到黃昏尤不惡載將明月滿舡歸

以上下截後空六行無字

門生蔣大雍刻石孫光亨書額

此行在兩截之間後空無字

右李長庚後詩書刻俱劣珍瓏珍字乃玲之誤也
志載光宗朝江華令雖張康一人濟之蓋康之字

省志山川郡志名勝邑志方域皆錄此數詩惟扇

微和作煽陽和三逕作山徑此疑石本之誤真作正追作

近寐作寤邑志不誤掌作擎省志不誤石刻作石壁六十作

十六華作皓看山作尋山樂可涯省志作樂何涯

郡邑志作豈有涯尤作猶

李景莊等題名高三尺五寸廣二尺六寸七分八行行十二字字徑二寸五分正書

武陽李景莊侍外舅歷陽徐宜伯贊治春陵以嘉泰癸

亥因游九疑來訪陽華令君臨川唐仲謀拉丞金華宗

周卿簿盱江熊不林尉武夷張朋伯曾飲于巖之亭蓋

十月七日也景莊書之仲謀欲刻之崖石合詞請明伯

董其事丞簿正棋亦爲之欣然

右李景莊題名志官表唐元齡以嘉泰元年令江
華仲謀蓋元齡之字也志不詳里貫得此知爲臨
川人徐宜伯名蔡見澹岩題名嘉泰三年所刻宗
周卿名強見開禧題名熊介叔張明伯等無攷

楊長孺等題名

高三尺二寸廣三尺三寸五
行行八字字徑三寸正書

開禧元年歲在乙丑夏六月九日廬陵楊長孺伯子嚴
陵洪璞叙王金華宗強周卿南豐符敘舜工同來

右楊長孺等題名長孺時判道州洪璞時令江華
均見官表宗強時爲邑丞見前刻符敘非簿卽尉

志俱不載

毛方平詩

高四尺五寸廣三尺九寸十四行
行十九字字徑二寸三分正書

僕遊九疑道中得淡崑陽華之勝陽華窈而竒水經崑
腹其來涓涓而出門之勢雄甚佗狀瑰詭咫尺千變泉
石之妙廼如是暇日復陪郡掾攝邑事三山王默聲父
鵬臨川陳希望民詹尉會稽董汶文卿知寨河間劉顯
祖德昭尋幽追涼彷徨盡日而猶未滿於中者環閣蔽
流莫遂飛羽觴踏冰硤似孤真趣尔嘉定壬申夏至文
安毛方平希元書併勒所賦于左

蜂房渾、流石乳綫竇涓、細蛩語門前乃作三峽聲

似與幽人商出處何幸結閣溷天真危柱下侵蛟蜃怒
坐令空洞驚勃嶻仙鬼不無號帝所要湏濯足跨玉淵
枕石漱流滌塵務手持白蓮騎赤鯁萬壑千崑自風雨
窮荒秘穴天所靳希有中州人訪古山谷不來次山來
未可歉然懷不遇

右毛方平詩王默陳希望董汝劉顯祖無一人見
於官志者毛方平無攷壬申爲嘉定五年江華新
志載此刻誤河間爲河朔赤鯁爲赤鯁

俞昌言等題名

高二尺廣二尺六分八行行
十字字徑一寸五六分行書

嘉定癸未從化氏弄兵郡判官俞昌言師禹奉檄與令

佐平之理曹掾陳轍子長亦被諸使命從師禹後二月
丙申迄事還邑令陳治平次書丞唐有仲實勞二客于
斯巖師禹之子伯同侍次書命子長書之石

右俞昌言等題名癸未爲嘉定十六年通志陳治
平爲江華令永志云嘉定十五年任與此合俞昌
言陳轍唐有皆不見於官志志有余昌言爲興甯
令亦在甯宗朝疑余爲命之誤由興甯令遷判官
而志不及詳也書當卽唐字

林契題名

高三尺廣二尺一寸五行
行七字字徑三寸許正書

嘉祐庚戌中秋朔長樂林契奉檄拯溺訖事偕邑同寅

唐巖秀歐陽元衡虞從龍子武來游

右林契題名庚戌爲淳祐十年文云奉檄拯溺而
是年被水不見於志豈不爲災邪林契唐巖秀歐
陽元衡皆不見於志郡邑志載虞從龍爲江華令
列於孝宗淳熙年殊誤

黃顯祖題名

高一尺六寸廣一尺二寸四行
行六字字徑一寸五分正書

邑令黃顯祖以戊寅正月四日公餘來遊堦程奎子民
表侍行

右黃顯祖題名但紀干支而不詳紀元黃顯祖爲
江華令志所不載莫由定爲何時要其爲宋刻無

疑也

右陽華巖石刻廿七段金石家從未箸錄省郡志
亦均失採己巳冬始屬江華大令劉采邦搜剔得
之其所遺者譚仲維復往訪焉

八瓊室金石補正卷一百六終